

**Vischnaunca da Mustér**

**Regulativ per il survetsch  
dentari da scola**

**CUNTEGN**

- Art. 1 En general
- 2 Organisaziun ed administraziun
- 3 Profilaxa
- 4 Dentist da scola
- 5 Repartiziun dils cuosts
- 6 Incasso dils cuosts dil dentist da scola
- 7 Incasso dils cuosts d'ulteriurs dentists diplomai
- 8 Cumpart communal
- 9 Vigur

*Sebasond sin l'ordinaziun davart la tgira da dents en scola dil Grischun relai il cussegl da vischnaunca il suadont regulativ per il survetsch dentari da scola.*

## **Art. 1 En general**

<sup>1</sup>Alla tgira da dents en scola ein suttamess ils affons domiciliai en vischnaunca e che frequentan la scoletta sco era il temps da scola obligatori.

<sup>2</sup>La tgira da dents cumpeglia l'instrucziun per in nutriment correct ed ina tgira da dents adeguata, mesiras da profilaxa sco era la controlla ed il tractament dentistic dils affons.

## **Art. 2 Organisaziun ed administraziun**

Cun l'organisaziun e l'administraziun dalla tgira da dents vegn il cussegl da scola, representaus entras il meinascola, incaricaus.

## **Art. 3 Profilaxa**

<sup>1</sup>Per motivar ed instruir ils affons da scoletta e dalla scola primara dattan personas qualificadas duas gadas per onn da scola ina lecziun.

<sup>2</sup>Las gidontras ed ils gidonters per la tgira da dents en scola, incumbensai dil cussegl da scola, respectivamein dil meinascola fan tenor las directives dallas instructures e dils instructurs per regla quater gadas per onn da scola in exercezi cun il barschun da dents.

## **Art. 4 Dentist da scola**

Cun l'execuziun professiunala dil survetsch dentari incarichescha la suprastonza communalina in dentist ni ina dentista. L'incarica detagliada vegn circumcretta en in contract.

## **Art. 5 Repartiziun dil cuosts**

<sup>1</sup>La vischnaunca surpren ils cuosts per las mesiras da profilaxa e las controllas annualas obligatorias.

<sup>2</sup>Il cuosts pil tractament dils dents van a quen dils geniturs.

## **Art. 6 Incasso dils cuosts dil dentist da scola**

<sup>1</sup>Il cuosts dil dentist da scola vegnan tarmess alla vischnaunca.

<sup>2</sup>Il cuosts per la controlla e per il tractament vegnan tschentai a quen separadamein. Il cuosts pil tractament succedan per mintga singul affon.

<sup>3</sup>Pigl incasso dalla cumpart dils geniturs procura la vischnaunca.

**Art. 7 Incasso dils cuosts d'ulteriurs dentists diplomai**

<sup>1</sup>Ils quens d'ulteriurs dentists diplomai pil tractament d'affons da scola vegnan suttamess als geniturs.

<sup>2</sup>Als geniturs vegn pagau la cumpart communal, aschinavon ch'els inoltreschan ils quens originals cun il rendaquen dalla cassa da malsauns.

**Art. 8 Cumpart communal**

<sup>1</sup>La vischnaunca surpren la mesadad dils cuosts pil tractament dils dents, denton maximalmein frs. 250.-- per affon e per onn da scola.

<sup>2</sup>Avon che far la damonda per ina contribuziun communal ein ils quens da tarmetter alla cassa da malsauns. Dalla summa restonta, che la cassa da malsauns surpren buca, paga la vischnaunca ina contribuziun tenor las prescripziuns d'alineia 1. Ils quens da tractament sco era il rendaquen dalla cassa da malsauns ein d'aschuntar alla damonda per la contribuziun communal.

**Art. 9 Vigur**

Quest regulativ ei vegnius approbaus dil cussegl da vischnaunca ils ..... e passa en vigur cugl onn da scola 2012/2013. El remplazza il regulativ per il survetsch dentari da scola vertent.

Per la vischnaunca da Disentis/Mustér

Il president communal:  
*Dr. Dumeni Columberg*

Il canzlist communal:  
*Andri Hendry*